

全唐詩

全唐詩

全唐詩 第一函

第四冊

樂府 卷至三卷

古 州

全唐詩

樂府雜曲

鼓吹曲辭

漢有朱鷺等二十二曲列於鼓吹謂之饒歌魏使繆襲改其十二曲而十曲並仍舊名是時吳亦使韋昭改製十二曲其十曲亦因之晉傅玄製二十二曲惟二曲之名不改舊漢宋齊並用漢曲又充庭十六曲梁高祖乃去其四留其十二北齊二十曲皆改古名後周革前代鼓吹制爲十曲隋制列鼓吹爲四部唐則又增爲五部部各有曲

朱鷺

張籍

翩翩兮朱鷺來汎

集作浴

春塘棲綠樹。羽毛如翦色如染。遠

飛欲下雙翅斂。避人引子入深壑。動處水紋開濺濺。誰

知豪家網爾軀。不如飲啄江海隅。

父如張

李賀

錦檐褕。繡襦強強

集無下強字

飲啄哺爾雛。隴東臥穠滿風

雨。莫信

一作逐

龍媒隴西去。齊人

一作入

織網如素空。張在野春

集作四

平碧中。網絲漠漠無形影。誤爾觸之傷首紅。艾葉綠

花誰翦刺。中藏禍機不可測。

上之回

盧照鄰

回中道路險。蕭關烽候多。五營屯北地。萬乘出西河。單于拜玉璽。天子按琱戈。振旅汾川曲。秋風橫大歌。

同前

李白

三十六離宮。樓臺與天通。閣道步行月。美人愁煙空。恩疎寵不及。桃李傷春風。淫樂意何極。金輿向回中。萬乘出黃道。千旗揚彩虹。前軍細柳北。後騎甘泉東。豈問渭川老。寧邀襄野童。秋暮

一作但慕

瑤池宴。歸來樂未窮。

同前 李賀

上之回。大旗喜。懸虹彗。集作雲撻鳳尾。劒匣破。舞蛟龍。蚩尤
死。鼓逢逢。天高慶雷齊。墜地。地無驚煙海千里。

戰城南 盧照鄰

將軍出紫塞。冒頓在烏貪。笳喧雁門北。陣翼龍城南。瑯
弓夜宛轉。鐵騎曉參潭。應須駐白日。爲待戰方酣。

同前 李白

去年戰。桑乾源。今年戰。蔥河道。洗兵條支海。上波放馬
天山雪。中草萬里長征戰。三軍盡衰老。匈奴以殺戮爲
耕作。古來唯見白骨黃沙田。秦家築城備胡處。漢家還
有烽火然。烽火然不息。征戰一作長征無已時。野戰格鬪死。敗

馬號鳴向天悲。烏鳶啄人腸。銜飛上挂枯樹枝。一作上枯枝士卒塗草莽。將軍空爾爲。乃知兵者是凶器。聖人不得已而用之。

同前

劉駕

城南征戰多。城北無飢鴟。白骨馬蹄下。誰言皆有家。城前水聲苦。倏忽流萬古。莫爭城外地。城裏有閑土。

同前二首

僧貫休

萬里桑乾傍。茫茫古蕃壤。將軍貌顛顚。撫劒悲年長。胡兵尚陵逼。久住亦非強。邯鄲少年輩。箇箇有伎倆。拖槍半夜去。雪片大如掌。

磧中

一作石

有陰兵。戰馬時驚蹶。輕猛李陵心。摧殘蘇武節。

黃金鎖子甲。風吹色如鐵。十載不封侯。茫茫向誰說。

巫山高

鄭世翼

巫山凌太清。峯嶢類削成。霏霏暮雨合。靄靄朝雲生。危峰入鳥道。深谷瀉猿聲。別有幽棲客。淹留攀桂情。

同前二首

沈佺期

巫山峰十二。環合

集作合皆

隱昭回。俯眺琵琶峽。平看雲雨臺。

古槎天外倚。瀑水日邊來。何忽啼猿夜。荆王枕席開。

神女向高唐。巫山下夕陽。裴回作行雨。婉孌逐荆王。雷影江前落。雷聲峽外長。霽雲無處所。臺館曉蒼蒼。

同前

盧照鄰

巫山望不極。望望下朝霧。

集作氣

莫辨啼猿樹。徒看神女雲。

驚濤亂水脈。驟雨暗峰文。露裳即此地。沉復遠思君。

同前

張循之

巫山高不極。杳

一作合

杳狀奇新。暗谷疑風雨。幽巖

集作崖

若鬼

神。月明三峽曙。

集作曉

潮滿二

集作九

江春。爲問陽臺夕。

集作客

應知

入夢人。

同前

劉方平

楚國巫山秀。清猿日夜啼。萬重春樹合。十二碧峰齊。峽出朝雲下。江來暮雨西。陽臺歸路直。不畏向家迷。

同前

皇甫冉

巫峽見巴東。迢迢半出空。雲藏神女館。雨到楚王宮。朝暮泉聲落。寒暄樹色同。清猿不可聽。偏在九秋中。

同前

李端

巫山十二峰。皆在碧虛中。回合雲藏日。

集作月

霏微雨帶風。

猿聲寒過水。

集作淵

樹色暮連空。愁向高唐望。清秋見楚宮。

同前

于漬

何山無朝雲。彼雲亦悠揚。何山無暮雨。彼雨亦蒼茫。宋

玉恃才者。憑雲構高唐。自重

集作垂

文賦名。荒淫歸楚襄。峨

峨十二峰。永作妖鬼鄉。

同前二首

孟郊

巴山上峽重復重。陽臺碧峭十二峰。荆王獵時逢暮雨。夜臥高丘夢神女。輕紅流煙溼豔姿。行雲飛去明星稀。目極魂斷望不見。猿啼三聲淚霑衣。

見盡數萬里。不聞三聲後。但飛蕭蕭雨。中有亭亭魂。千載楚襄一作王恨。遺文宋玉言。至今青冥裏。集作晴雲結深閨門。

同前

李賀

碧叢叢。高一作齊插天。大江翻瀾神。曳煙楚魂尋。夢風颺一作颺然。曉風飛雨生。苔錢瑤姬一去一千年。丁香筇竹啼老後。古祠近月蟾。桂寒椒花墜。紅溼雲間。一作端

同前

僧齊己

巫山高。巫女妖。雨為暮兮雲為朝。楚王顚顚魂欲銷。秋後嗥嗥目將夕。紅霞紫煙凝老壁。千巖萬壑花皆坼。但恐芳菲無正色。不知今古行人行。幾人經此無秋情。雲

深廟遠不可覓。十二峰頭插天碧。

將進酒

李白

君不見黃河之水天上來。奔流到海不復回。君不見高
堂明鏡悲白髮。朝如青絲暮成雪。人生得意須盡歡。莫
使金尊空對月。天生我材必有用。千金散盡還復來。烹
羊宰牛且爲樂。會須一飲三百杯。岑夫子。丹丘生。將進
酒。一作君莫停。與君歌一曲。請君爲我側耳聽。鐘鼓饌玉
不足貴。但願長醉不復醒。古來聖賢一作賢達皆寂寞。惟有飲
者留其名。陳王昔時宴平樂。斗酒十千恣歡謔。主人何
爲言少錢。徑須酤取一作酒對君酌。五花馬。千金裘。呼兒將
出換美酒。與爾同銷萬古愁。

同前

元稹

將進酒。將進酒。酒中有毒。酖主父。言之主父傷主母。母
爲妾地。父妾天。仰天俯地。不忍言。佯爲僵踣主父前。主
父不知加妾鞭。旁人知妾爲主說。主將淚洗鞭頭血。推
摧集作主母牽下堂。扶妾遣升堂上牀。將進酒。酒中無毒
令主壽。願主回思集作歸主母。遣妾如此事一作主父。妾爲
此事人。偶知自慙。不密方自悲。主今顛倒安置妾。貪天
僭地誰不爲。

同前

李賀

瑠璃鍾。琥珀濃。小槽酒滴眞珠紅。烹龍炮鳳玉脂泣。羅
屏繡幕圍香風。吹龍笛。擊鼉鼓。皓齒歌。細腰舞。況是青

春日將暮。桃花亂落如紅雨。勸君終日酩酊醉。酒不到
劉伶墳上土。

君馬黃

李白

君馬黃。我馬白。馬色雖不同。人心本無隔。共作遊冶盤。
雙行洛陽陌。長劒既照曜。高冠何赫赫。各有千金裘。俱
爲五侯客。猛虎落陷穽。壯夫時屈厄。相知在急難。獨好
亦一作知何益。

芳樹

沈佺期

何地早芳菲。宛在長門殿。夭桃色若綬。穠李光如練。啼
鳥弄花疎。遊蠶飲香徧。歎息春風起。飄零君不見。

同前

盧照鄰

芳樹本多奇。年華復在斯。結翠成新幄。開紅滿舊枝。集作故枝
風歸花歷亂。日度影參差。容色朝朝落。思君君不知。

同前 徐彥伯

玉花珍簾上。金縷畫屏開。曉月憐箏柱。春風憶鏡臺。箏
柱春風吹曉月。芳樹落花朝暝歇。蒙砧刀頭未有時。攀
條拭淚坐相思。

同前

韋應物

迢迢芳園樹。列映清池曲。對此傷人心。還如故時綠。風
條灑餘靄。露葉承新旭。佳人不再攀。下有往來躅。

同前

元稹

芳樹已寥落。孤英尤可嘉。可憐團團葉。蓋覆深深花。遊

螽競攢刺。鬪雀亦紛拏。天生細碎物。不愛好光華。非無殲殄法。念爾有生涯。春雷一聲發。驚燕亦驚蛇。清池養神蔡。已復長蝦蟇。雨露貴平施。吾其春草芽。

同前

羅隱

細藥

集作
藍

慢逐風暖香閑破鼻青帝固有心時時動人

集作漏天

細藥集作慢逐風。暖香閑破鼻。青帝固有心。時時動人集作。
意。去年高枝猶壓地。今年低枝已顛顛。吾所以見造化
之權。變通之理。春夏作頭。秋冬爲尾。循環反覆無窮已。
今集作生長短同一軌。若使威可以制。力可以止。秦皇不
肯斂手下沙丘。孟賁不合低頭入蒿里。伊人彊猛猶如
此。顧我勞生何足恃。但願開素袍。傾綠蟻。陶陶兀兀大
醉於青冥。集作白晝間任他上是天下是地。

醉於青冥。

集作宵

白晝間任他上是天下是地